



傷寒準繩卷之六

金壇 王肯堂字泰韓

小便不利

小便難

**成**小便不利有數種被下而小便不利者津液耗於內也因汗而小便不利者津液亡於外也發黃與痞及夫熱病小便不利者熱鬱所致風熱相搏與夫陽明風中其小便不利寒邪所乘其小便難者亦多由汗下而然宜詳辨之

**太陽**傷寒表不解心下水氣乾嘔發熱而欬或渴或利或噎

或小便不利少腹滿或喘者小青龍湯去麻黃加茯苓

方見欬

**太陽**病大發汗後胃乾煩躁不得眠欲飲水小便不利脉浮者

五苓散不浮者猪苓湯

本以下之心下痞與瀉心湯痞不解

陽明口燥煩小便不利者五苓散 服桂枝湯或汗或下之仍

頭項強痛翕翕發熱無汗心滿微痛小便不利者桂枝去桂加

茯苓白朮湯 太陽病飲水多必心下悸小便少者茯苓付艸

湯方見 若兼身黃而小腹鞭脉沉結者茵陳湯方見 若表

未解反下之不結胸但頭汗出小便不利者必發黃亦茵陳湯

梔子檨皮湯

**陽明**病面合赤色不可攻之必發熱色黃小便不利也 陽明

病小便不利若中寒不能食手足澹然汗出大便初鞭後溏者

此欲作固瘕 若能食大便自調其人骨節疼翕翕如有熱狀

奄然發狂澹然汗出而解者此水不勝穀氣與汗共併脉緊則

愈 或無汗心中懊憹或被火額上微汗出或頭汗出身無汗

劑頸而還渴飲水漿皆欲發黃之候 若脉浮發熱渴欲飲水

小便不利者猪苓湯主之

此浮字誤也活人云脉浮者五苓散

脫一不字也按太陽篇內猪苓湯乃猪苓澤瀉茯苓三味中加阿膠

桂白朮也陽明篇內猪苓湯乃猪苓澤瀉茯苓三味中加阿膠

滑石也桂與白朮味甘辛為陽主外阿膠滑石味甘寒為陰主

內南陽之言亦可謂不失仲景之旨矣第南陽欲區別二藥分

曉不覺筆下以沉對浮遂使後人致疑三陽證中不當言脉沉

更不復致疑經文之有關也更詳太陽證固當脉浮而陽明為

表之裏故其脉不曰浮而曰長蓋長者不浮不沉之中脉也成

氏直以脉浮釋之而朱氏却以脉沉言之胥失之矣若曰脉浮

者五苓散不浮者猪苓湯則得仲景之意矣又詳少陰病下利

六七曰欬而嘔渴心煩不得眠者猪苓湯一條雖不言脉沉然

少陰之脉必沉也豈活人以少陰對太陽一

證而言與以此推之成氏隨文誤釋明矣

病人小便不利 大便乍難乍易時有微熱喘冒不能卧者有燥屎也宜大承氣

湯 得病二三日脉弱無太陽柴胡證煩躁心下鞭至四五日 雖能食以小承氣湯少少與微和之若不大便六七日小便少

者雖不能食但初頭鞭後必溏須小便利尿定鞭乃可用大承氣攻之

少陽傷寒五六日中風往來寒熱胸脇痛不欲食心煩喜嘔或

心下悸小便不利者小柴胡湯 傷寒五六日已汗復下胸脇

滿微結小更不利渴而不嘔但頭汗心煩往來寒熱爲未解柴

胡桂薑湯 傷寒八九日下之胸滿煩驚小便不利譫語身重

不可轉側柴胡加龍骨牡蠣湯

少陰小便不利而大便自利腹痛爲少陰病 兼四肢沉重有

水氣者真武湯 兼便膿血者薤花湯 兼四逆者四逆散加

茯苓

厥陰傷寒臑而腹滿視其前後知何部不利利之則愈前部爲

小便小便不利脉浮者五苓散不浮者猪苓湯 小便不利關

節疼痛若痛不得屈伸汗出惡風身腫者屬風濕宜甘草附子

湯方見身痛

若脉沉緩大便反快者屬濕痺活人用五苓散方見湯

○附

活陰證小便不利手足厥冷脉微細者不宜服利小便冷滑藥

但服返陰丹并取臍下石門穴灸之方論見陰毒

集傷寒小便不通取陰谷 陰陵泉

吳凡傷寒小便不通刺任脉二穴在臍下一寸用長針入八分

又次支溝二穴在手腕後三寸兩骨之間陷中針入二分凡傷

寒小便不利當分六經治之太陰少陰詳見本條太陰腹滿自

利小便不利無熱脉沉者理中湯合五苓散更加厚朴木香分

利其小便而大便自止厥陰寒閉厥冷脉伏囊縮入腹小便不利宜四逆湯通草茯苓或灸氣海石門穴或以蔥熨法治之若陰虛火動小便赤澀不利者加木通生地知母黃蘗片內熱盛大便不通小便赤澀不利者八正散治之凡不渴小便不利者熱在血分也宜知母黃蘗生地之類夫膀胱爲津液之府氣化而能出也若汗多者津液外泄小便因少不可利之恐重亡津液待汗止小便自行又小便自利不可妄利之恐引熱入膀胱則變畜血又爲害也

汗後小便難

小便難汗後小便難若太陽發汗遂漏不止者則惡風小便難

四肢難屈伸宜桂枝附子湯

方論見自汗

若太陽證中風以火劫

發汗則邪風被火熱血氣流溢身黃陽盛陰虛欲衄小便難也

方論見

若少陰以火劫汗者則欬而下利譫語小便難也見論

脇痛

下後小便難

下後小便難有二若脉遲浮弱惡風寒下之者則脇滿身黃項

強小便難也見脇痛

若陽明胃實發熱惡寒脉浮緊下之者則

腹滿小便難也論見胃實

脇痛身黃小便難若陽明胃實未下者宜小柴胡湯若下後不

食項強者忌柴胡論見脇痛

脇痛身黃小便難

趙傷寒小便難仲景論有發汗漏不止桂枝加附子湯者有

陽明中風或脉弦浮大而潮熱噦者或脉浮而緊誤下而成

腹滿者又有陽明脉浮遲飽則微煩頭眩者活人問中當以

傳經邪熱與漏風亡陽分作兩條其桂枝加附子湯證乃亡

陽經虛所致豈得均謂之陰虛陽奏爲有熱耶要當以小柴胡證及誤下證穀疸證次於陽奏傳邪之下却別出一條云外有汗多亡陽津液不足亦有小便難者還以桂枝加附子湯證屬之

小便自利 小便數

成小便自利有在表者有在裏者有熱而利者有寒而利者六經俱有之證難以槩治宜考經條分之可也小便數者三陽有在表者有在裏者三陰並無小便數之證宜詳察之

太陽病六七日表證仍在脉微而沉反不結胸其人發狂以熱在下焦小腹當鞭滿小便自利者下血乃愈抵當湯 太陽病身黃脉沉結小腹鞭小便自利其人如狂血證也抵當湯 傷

寒有熱少腹滿應小便不利今反利者爲有血也當下之不可  
餘藥宜抵當丸 傷寒十三日不解過經譫語小便利而大便

亦下利脉反和調胃承氣證

詳譫語

太陽中風火劫汗後發黃

欲衄小便難頭汗出腹滿微喘口乾咽爛或不大便久則譫語

甚者至噦捻衣摸牀小便利者可治

詳譫語

太陽病小便利者

以飲水多必心下悸小便少者必苦裏急小便不利甘草茯苓

湯 傷寒八九日風濕相搏身體疼煩不能轉側不嘔不渴脉

浮虛而濇者桂枝附子湯若其人小便自利去桂枝加白朮湯

傷寒發熱惡寒大渴欲飲水其腹必滿自汗小便利爲欲解

此肝乘肺名曰橫刺期門

陽明病反無汗而小便利二三日嘔而欬手足厥者必苦頭痛

詳頭

得病三三日脉弱無太陽柴胡證煩躁心下鞭以小承

氣微和之不大便六七日小便少者雖不能食但初鞭後溏未

可攻小便利大承氣湯

傷寒脉浮而緩手足自溫係在太陰

當發身黃若小便自利不能發黃至七八日大便鞭爲陽明病

也大承氣湯

陽明病自汗更發汗小便自利爲津液內竭尿

雖鞭不可攻之宜蜜煎導而通之猪膽汁或土瓜根皆可爲導

太陰傷寒脉浮而緩手足自溫係在太陰當發黃小便自利不

發黃至七八日雖暴煩下利日十餘行必自止

按以上數條皆以小便自利爲病蓋以驗病之下與不當下

也若小便不利而少腹鞭者尿也當滲泄之若小便自利而

少腹鞭者非血則糞也當通利之且病之發黃與不發黃及

病之死與不死皆可於此而驗之焉

少陰病二三日至四五日腹滿小便不利四肢沉重疼痛自下

利者爲有水氣或小便利真武湯

詳下

既吐且利小便復利

而大汗下利清穀內寒外熱脉微欲絕者四逆湯

厥陰傷寒熱少厥微指頭寒默默不欲食煩躁數日小便利色

白者此熱除也欲得食爲病愈

小便數傷寒脉浮自汗小便數心煩微惡寒脚攣急者慎不可

行桂枝湯

甘草乾薑湯  
芍藥甘草湯

趙太陽病自汗四肢拘急難以屈伸心煩微惡寒脚攣急若

小便數者慎不可行桂枝也宜與甘草乾薑湯芍藥甘草湯

此虛寒所致與上文客熱等證全不相合又多四肢拘急難

傷寒之綱 卷一  
以屈伸八字卽係前篇小便難之證今却添入於此問小便數之下何耶又云傷寒脉浮便數若胃中不和譫語者少與調胃承氣湯蓋仲景論中此論專主胃氣不和譫語未嘗兼治脉浮自汗小便數之證何不曰若服甘草乾薑湯後胃氣不和譫語者少與調胃承氣湯不亦宜乎

跌陽脉浮而濇浮則胃氣強濇則小便數浮濇相搏大便則難其脾爲約麻仁丸 太陽病汗吐下後微煩小便數大便因鞭與小承氣湯和之則愈 太陽病寸緩關浮尺弱其人發熱汗出惡寒不嘔但心下痞者下之早也如其不下病人不惡寒而渴者此轉屬陽明小便數者大便必鞭

吳凡小便數者頻欲去而不多也太陽陽明治各有條凡腎

虛有熱小便頻數者清心蓮子飲或人參三白湯加知母黃  
檨麥門石蓮肉之類或服滋補丸亦佳或補中益氣加知母  
黃檨生地黃麥門冬主之

### 遺溺

三陽合病腹滿身重難轉側口中不仁面垢譫語遺尿自汗者  
不可汗不可下宜與白虎湯

詳身重

風溫病脉浮自汗出體重多眠若下之則小便不利直視失溲

詳風溫

楊氏士瀛曰膀胱瀦水下焦不攝則亦遺溺經云邪中下焦  
陰氣爲慄足膝逆冷便溺妄出合用四逆湯 下焦畜血小  
腹結急小便自利不禁輕者桃仁承氣湯重者抵當湯

寸口脉微而澁微者衛氣不行澁者榮氣不逮榮衛不能相將  
三焦無所仰身體痺不仁衛氣不足則煩疼口難言衛氣虛則  
惡寒數欠三焦不歸其部上焦不歸者噫而吞酢中焦不歸者  
不能消穀引食下焦不歸者則遺洩

欬而小便利若失小便者不可發汗汗出則四肢厥冷 太陽

病火熨其背大汗出譫語十餘日振慄下利欲小便不得反嘔

而失洩者此爲欲解也

詳譫語

遺洩狂言目反直視者此爲腎

絕

〔吳凡遺尿者小便自出而不知也其熱盛神昏遺尿者爲可

治若陰證下寒逆冷遺尿脉沉微者多難治宜附子湯加乾

薑益智子以溫其下也若厥陰囊縮逆冷脉微遺尿者四逆

加吳茱萸湯溫之陽不廻者死凡傷寒汗下後熱不解陰虛火動而遺尿者以人參三白湯加知母黃檗或蒲中益氣湯加知母黃檗麥門冬生地黃五味子之類主之若狂言直視譫語遺尿者此爲腎絕內經言膀胱不利爲癰不約則遺溺又曰水泉不止者膀胱不藏也蓋腎與膀胱爲表裏腎虛則膀胱之氣不約故遺尿也要在滋補膀胱之氣也東垣謂洩便遺失爲肺金虛又當補肺氣也大抵肺虛腎虛熱甚者皆可治惟腎絕遺尿則不可治此下焦氣絕不歸其部故也

### 噫氣

說文云噫飽食息也於介切俗作噎傷寒有二證皆由誤汗吐下胃氣弱而不和虛氣上逆心下痞鞭故下利者生薑瀉心湯

不下利者旋復代赭石湯

傷寒汗出解之後胃中不和心下痞鞭乾噫食臭脇下有水氣腹中雷鳴下利者生薑瀉心湯主之

傷寒發汗若吐若下解後心下痞鞭噫氣不除者旋復代赭石湯主之

○附

〔雲〕傷寒噫氣者何氣使然答曰胸中氣不交故也少陰經至胃中交於厥陰水火相傳而有聲故噫氣也宜如聖加枳實湯如聖加枳實湯方

甘草

桔梗

各伍錢

枳實

炒叁錢

右剉細每服五錢入五味子半錢水煎服